



UPA 2026/132
18/6-2026
Hans Erik Enoksen

Pilersaarusionerq aamma nunaminertat atorneqartarnerat pillugu Inatsisaartut inatsisaat nr. 17 17. november 2010-meersoq nutaamik eqaannerusumillu iluseqalersinnaaqullugu apeqquteqaat aallaavigalugu oqallisissiaq.

(Inatsisartunut ilaasorta q Aqqalu C. Jerimiassen, Atassut)

Qujanaq Inatsisartunut ilaasorta q Aqqalu C. Jerimiassen siunnersuummut.

Demokraatinut pilersaarusionermit nunaminertanillu atuinerup pingaassusaanut apeqqutaavoq kiffaanngissuseq, akisussaassuseq aammalu innuttaasunut tatiginnineq. Tassani pineqarpoq, inuiaqatiguit qanoq ilusilersornerigut, inuit periarfissillugit namminneq inuunerminnut, ineqarnerminnut pigisaminnullu akisussaaffeqarnissaannut.

Tamakkiisumik paasisinnaavarput, pilersaarusionerq malittarisassiornerlu pingaaruteqartut. Torersuunissamik, innimittarnermik ataatsimoorussamillu sinaakkusiinissamut qulakkeerinnittuussapput. Malittarisassalli immikkuualuttortanik ilanngussuiffiuppata oqimaallutillu, inunnut nalinginnaasunut namminneq angerlarsimaffiminni pitsanngorsaanissamut, tulluussarnissamut ineriartortitsinissamullu naalleraataalerlutik, taava unikaallannissamik nutaanillu eqqarsarnissamik pisariaqalersimassaaq.

Demokraatit ersarissumik liberaliusumik aallaaveqarput. Tamanna isumaqarpoq, uagut isumaqaratta, inuit aallaaviullutik namminneq inuunerminnut tunngasunik silatusaartumik aalajangiisinnaassuseqartut. Illu nammineq pigigaanni nunaminertarlu tunniunneqarsimasooq naalagaaffigalugu, annertuumik kiffaanngissuseqartariaqarpoq sumut atussallugu, allanut imaluunniit ataatsimuussutsimut ajoqutaanngippat.

Ullumikkut innuttaasorpasuit misigisarpaat, aqqissuussaaneq eqarlunilu oqimaatsutut. Allanguinimininnguit suliap sivittorunneranik, nalorninermik itigartitaanermillu kinguneqarsinnaasarput, paasiuminaatsinneqartunik. Pakatsinernik pilersitsisarput misigititsisarlutillu, pisortat akeraasut illersortaanatik. Taamatut ingerelanissaaq, Demokraatit kissaatiginngilaat.

Aqqissuussaaneermik eqaannerusumik tatiginarnerusumillu pisariaqartitsivugut. Aqqissuussaaneq, malittarisassat ersarissut, aammali inissaqartitsisut. Innuttaasut pisariaqanngitsumik naallerarneqaratik, illortik pitsanngorsarniarunikku imaluunniit nunaminertaatertik silatusaartumik atorussukunikku. Allaffissornerujussuaq annikinnerusooq qanoq iliornissamut kiffaanngissuseqarnerunermik, akisussaaffeqarnerunermik tunniusimanagerunermillu kinguneqartarpoq.

Demokraatit aamma isumaqarput, ineqarnermi nammineq aaliangiisinnaassutsip annertusinera



annertuumik atassuteqartoq nammineq illuuteqarnissamik kissaateqartut amerlinissaannut. Piginnittuuneq akisussaaffimmik, allanngujuissusermik attaveqarnermik pilersitsisarmat. Inuinnaat sanaartornerat namminnerlu pigisaqarnerat siuarsassagutsigu, aamma qulakkeertariaqarparput, malittarisassat pisariaqanngitsumik ajornartitsinnginnissaat.

Pisortat sinaakkusiissapput, kisiannili inuit ulluinnarni inuunerannut aqutsinatik. Pilersaarusionerq sakuussaaq, ineriartornissamut periarfissiisoq, aaqqissuussaanerussananilu, pilersaarusioneramik unitsitsisoq. Taamaattumik piffissanngorpoq takussallugu, qanoq ililluta malittarisassat oqilisarsinnaanerlutigit, allaffissornerujussuup annikillisinneqarsinnaanera aammalu suleriutsumik ullutsinnut naleqquttumik nikerarsinnaasumillu pilersitsinissatsinnut.

Demokraatinut una oqallinneq peqquteqarpoq kiffaanngissuseqarnerusumik, akisussaaffeqarnerusumik tatiginarnerusumillu inuiaqatigiinnik pilersitsinissamik. Pisortat inuiaqatigiinnut, innuttaasut pilersitsiniarnerannut tapertaasut naalleraanatik.

Kinguneqarluartussamik isummersoqatigiinnissaq qilanaaaraarput.